

اداره خانه

باب عالی بجاده سنده دائره مخصوصه

آبونه شرائطی

ممالك هشتمیه ده سنه لکی (۶۵) ، التي
آیلنی (۳۵) غروشدر . ممالك
اجنبیه ده سنه لکی (۱۷) ، التي آیلنی
(۹) فرانقدر .

[ایضاحات : نسخہ سی الی پاره ، آلق
آیاخی برجلد ، هرجلدی ۲۶ نسخہ در .]

اضطارات

§ آبونه بدلی پشیندر .

§ آدرس تبدیلنده قرق پاره لک پول
کوندر ملی در .

§ مسله موافق آثار مع الممنونیه
قبول اولنور . درج ایدیلمین یازیلر
اماده اولوغاز .

الکشاف

۱۳۳۰

اضطارات

رساله مزدن آلدینی کوستر ملک شرطیه
بتون یازیلر هر هالکی بر غزته طرفندن
اقتباس اولونه ییندر .

§

مکتوبلرک ، امضالرک واطع و
اوقوناقلی اولسی و آبونه سره
نومروسی محتوی بولونسی لازمدر .

§

ممالك اجنبیه ایچون آبونه اولانلرک
آدرس لرینک فرانسیزجه سرده یازلسی
رجا اولنور .

§

پاره کوندردلرکی زمان نه یه دائر ولدیقنک
واضحاً بیلدیرلسی رجا اولنور .

اتبعون اهدکم سبیل الرشاد

دینی، علمی، ادبی، سیاسی هفته لک مجموعه اسلامیہ در

والله یهدی من یشاء الی صراط مستقیم

بر تلغرافنامه به نظر آیم رسمی بر غزته اولان (آفتاب) محافظه استقلال ایچون انکیزلره ائتلاف پولتیکه سنک ایران سیاست خارجیه سنده اساس اتخاذ ایدلسنی ترویج ایتکده ایش .

مسلمانانک ابسی بر بریلر چاریشمور . — کچنلرده بر انکیز یوز . باشیدن قتل ایتدکلرندن طولای تأدیبلرینه تثبیت ایدیلن بوی احمد قبیلای ایلر بختیاریلردن مرکب اولان حکومت مفرزه سی ارسنده بر مصادمه وقوع بولش و بختیاریلرک مغلوبیتله نتیجه لشمدر .

روسیه :

مسلمانانر امور خیریه رمعارف . اورال وادیلرنده متمکن اولان اقوام اسلامیه ارسنده ترقی و تمدن امللرینک یورومکده باشلادین بعض آثارندن استدلال اولنمقدهدر . از جمله شمده یه قدر اورالرده کوچیه حالنده اصرار حیات ایتکده اولان اسلام قبیلرلرندن بعضیلرینک حکومته مراجعتله اسکانلرینی طلب ایلده کلرینی شمالی روسیه مطبوعاتی خبر و بریور . قیرغیزلرده او قویوب یازمق ایچون بویوک بر حرکت مشهود اولمقده ، معلملر واسطه سیله بر چوق غزته و رساله لر جلب ایتکدهدرلر .

§ قزان جوارنده ابتدائی مکتبلری تأسیس و کشادینه چالشمق اوزره قزان ارباب حمیتی ، نشر معارف ، نامیه بر جمعیت تشکیل ایلهمشدر . بو جمعیتک ترتیب ایدلش اولان نظامنامه سی برای تصدیق روسیه حکومتته تودیع اولونمشدر .

§ قزانده چوققلره مخصوص اوله رق « آق یول » نامنده بر غزته نشرینه باشلامشدر .

دوماده مسلمانانر فرقی . — دوماده انتخاب قانوننک مذاکره سی اثناسنده مسلمان فرقه سی نامنه ایراد نطق ایدن محمد میرزا افندی دوما اعضاسنک نظر دقتی بالخاصه آتیده کی ماده جاب ایتشدر : (۱) قیرغیز اووا سی ، تورکستان و ماورای حزر ولایاتی کی تورکارله مسکون اولان محللر تمامیه حق انتخابدن محروم بر اقیامشدر . بونک ایچون بورالرده کی اهالی کندی احتیاجات و مطالباتی دومایه عرض ایلده جک واسطه یه مالک بولونما . یورلر (۲) انتخاب قانون حاضری قافقاسیه مسلمانلرینک حقوق انتخابیه سنی او قدر تحدید ایتشدر که قوجه قافقاسیه قطعه سی بو قانون موجبجه انجق ایکی اسلام مبعوث چیقارده بیلیمکدهدر . (۳) حوالی داخلیده ، روس اولمایان مللر تقریق اولونه رق مستقل برر دائره انتخابیه وجوده کتیریلدیکندن انلرکده حقوقی دوچار ضیاع اولویور و بو حال آرزو ایتدیکی تقدیرده اسلاملردن بر کیشی بیله مبعوث چیقارده جق صورتده داخلیه ناظرینه واسع صلاحیت و وسیله لر بخش ایدیور .

مسلماناندره امور اقتصادیه . — باکوده بابایف و شریفوفلر ، نفت و صو بورولری وضعی ایچون « دیانت » نامنده بر شرکت تشکیل ایتشدر . بو شرکتنده بر چوق مسلمان خانلریده اعضا بولنه جقدر .

تورکستان :

تورکستانده امنیه لر . — یاقین زمانلره قدر روسیه حکومتی هیچ بر اجنبی نک تورکستانه دحولنه مساعده ایتزایدی . صوک سنه لرده بومنعویت قسماً قالدیریلره رق اجنبی ارباب تجارت و صنایعنک اورالره کیمه سنه مأذونیت ویریشدر . بوندن بالاستفاده ایکی فرانسیز تاجری تورکستانده بر مؤسسه تجاریه آچشلر و بر خیل اراضی اشتراسنه قویولشدر .

افغانستان :

افغانستانده آثار ترقی . — روسیه ده کی مسلمان غزته لرینک بیانه کوره :

افغانستانک حیات سیاسی و اجتماعی سنده شایان دقت و تقدیر بعض حرکات ترقی و روانه کورولمکدهدر . بر قاج سنه دن بری نسبی بر اساس اوزرینه ویرکو طرح و تحصیلنه احتنا ایدلمکده اولدیغندن بوسایه ده افغانستانک وارداتی ده بک زیاده تر ایدلشدر . معاملات رسومیه اولدجه تحت انتظامه اندینی کی پوسته منافقانی ده اصلاح اولونه رق کوچوک قصبه لره قدر تمید و توسیع ایدلشدر . بویوک شهرلر ارسنده تلغراف خطوطی تمید ایدلش اولدیغندن مراکز مهمه نک هپی کابل شهریه تلغراف تعاطی ایدیور . کابلده عینی زمانده انکیز خطوط تلغرافیه سی ده بولونمقدهدر . اصول اداره سیاسی و اجتماعی دهده بعض تحولات وجوده کتیریشدر . اولجه ، امورینه معاشات ویریلده رک بونلر آنجق اهالیدن آله جملری عادات ایلر تأمین معیشت ایدرکن شمده هر مأوره معین مقدارده معاش اعطا اولونمقدهدر . صنعت و تجارتک مللشدیریله سی حقنده ده بعض تدابیر توسل اولونیور . ملی صنایعک انکشافی کوستره جک الک بویوک اثر کابلده کی طوب و تفنک اعمالاخانه سیدر . بوفایرینه هفته ده ایکی طوب و ۱۲۵۰ توفنک و بونلره یقه جک قدر مریمات احضار ایلده جک قایلیدهدر . حرف و صنایعک تکمیل ایچون هر سنه بر چوق صنعتکارلر انکلتزه دارالصناعه لرینه کیدیورلر . معارف و خصوصات ساثره ده دخی بعض آثار تجدید کوستریلمکده اولدینی کی ، افغانستان حکومتی شمندوفرلر تمیدی . مثله سیله ده اوغراشمقدهدر .

وثائق تاریخیه

متارکه

عثمانی تلغراف آژانسنک رسماً اعلاننه کوره عثمانی وبلغار اردولری آره سنده شفاهاً تقرر ایدن شرائط آتیه داخلنده تعطیل مخاصات ایدلشدر :
۱ — چتالجه ده و بولایرده مخاصات نیسان رومینک اونجی کونه قدر تعطیل ایدلشدر .

۲ — بومدت طرفنده مذاکرات صلحیه نتیجه لمر ایسه مدت مذکوره بالذاکره تمید اولنه بیله جقدر .

۳ — طرفیندن آمین اوله جق رقومیسون واسطه سیله هرایکی اردو بیننده بر منطقه بیطرفی تأسیس اولنه جقدر .

۴ — تکرار مخاصاتنه ایتدار اولنه جق اولور ایسه طرفین یکدیگرینی ۴۸ ساعت اول خبردار ایلده جک و بومدت خبرک دیگر طرفه ایصال ایدلدیکی کونک آقشامی ساعت سکزدن اعتبار اوانه جقدر .

۵ — تعطیل مخاصاتنک دوام ایتدیکی مدت طرفنده بلغار اردوسنه معارض کورفری ایلر قره دکز ساحلندن ارزاق و مأ کولات کتیرلمسنه عثمانی دو ناماسی طرفندن ممانعت اولنیه جقدر .

اعتذار

کچنکی نسخه مزک شتون قسمنده مندرج بعض فقرات نصلسه هیئت اداره و تحریریه نک نظر تصویبندن کچمه دن درج ایدلش بولوندینی جهته بیان اعتذار اولنور .